



Universitätsbibliothek Paderborn

**Venerabilis Thomæ A Kempis Can. Reg. S. Augustini. De
Imitatione Christi Libri Quatuor**

Thomas <von Kempen>

Augustæ Vindel., 1772

Caput XII. De informatione patientiæ, & luctamine adversus
concupiscentias.

[urn:nbn:de:hbz:466:1-45780](#)

omnia, paucisque contentari dicat,
& simplicibus delectari, nec contra
aliquid inconveniens missitare.

C A P U T XII.

*De informatione patientiae, & in
mine adversus concupiscentias.*

1. **D**omine Deus, ut audio, patientia mihi valde necessaria est: multa enim in hac vita accidunt contraria.

Nam qualitercunque ordinaverit de pace mea, non potest esse sine bello, & dolore vita mea.

Ita est, fili. Non volo te autem talem quærere pacem, quæ tentationibus careat, aut contraria non sentiat.

Sed tunc etiam aestima te pacem invenisse, cum fueris variis tribulationibus exercitatus, & in multis contrarietatis probatus.

2. Si dixeris te non posse multiplicari, quomodo tunc sustinebis ignem Purgatorii?

De duobus malis minus est semper eligendum.

Ut ergo æterna futura supplicia possis evadere, mala præsentia studeas pro Deo æquanimiter tolerare.

An putas, quod homines seculi hujus, nihil, vel parum patientur? Nec hoc invenies, etiam si delicatissimos quæsieris.

Sed habent multas delectationes, & proprias sequuntur voluntates: ideoque parum ponderant suas tribulationes.

3. Esto ita sit, ut habeant quidquid voluerint: sed quamdiu putas durabit?

Ecce, quemadmodum fumus deficient abundantes in seculo, & nulla erit recordatio præteriorum gaudiorum.

Sed cum adhuc vivunt, non sine amaritudine, & tædio, ac timore in eis quiescunt.

Ex eadem namque re, unde sibi delectationem concipiunt, inde doloris

Kloris

Ioris pœnam frequenter recipiunt.
Juste illis fit; ut, quia inordinate
delectationes querunt & sequuntur,
non sine amaritudine, & confusione
eas expleant.

4. O quam breves, quam fallaciæ,
quam inordinatæ, & turpes omnes
sunt?

Verumtamen præ ebrietate, &
cæcitate non intelligunt: sed valde
muta animalia propter modicum cor-
ruptibilis vitæ delectamentum mor-
tem animæ incurunt.

Tu ergo fili, post concupiscentias
tuas non eas, & a voluntate tua au-
tere. Delectare in Domino, & da-
tibi petitiones cordis tui.

Etenim si veraciter vis delectari
& abundantius a me consolari: &
ce in contemptu omnium mundano-
rum, & in abscessione omnium infi-
marum delectationum erit benedi-
ctio tua, & copiosa tibi reddetur con-
solatio.

Et quanto te plus ab omni crea-
tura

Liber III. Caput XIII. 171

turarum solatio subtraxeris, tanto
in me suaviores, & potentiores con-
solationes invenies.

Sed primo non sine quadam tri-
stitia, & labore certaminis ad has
pertinges.

Obsistet inolita consuetudo, sed
meliori consuetudine devincetur,

Remurmurabit caro: sed fervore
spiritus frænabitur.

Instigabit, & exacerbabit te ser-
pens antiquus, sed oratione fugabi-
tur: insuper & labore utili aditus ei
magnus obstruetur.

C A P U T XIII.

*De obedientia humilis subditi ad exem-
plum Iesu Christi.*

I. Fili, qui se subtrahere nititur ab
obedientia, ipse se subtrahit
a gratia: & qui quærerit habere pri-
vata, amittit communia.

Qui non libenter, & sponte suo
superiori se subdit, signum est, quod
caro sua necdum perfecte sibi obe-
dit,

K 2